

商河縣志 卷首



舊序

不佞承乏商河貿貿焉懼弗克荷以取罪戾及今三載矣凡所耳聞目擊者不少然疆宇所際以闢荒穢有遺歷焉民俗所尚以諏鄉老有遺聽焉政事所陳以稽往牘有遺明焉無他文獻不足故也嗟夫以介乎齊魯文明之區仕於其地生於其鄉代有聞人而邑乘不脩豈非一大缺典哉不佞下任歲惡吏事方殷未遑也歲在乙酉江右詹應陽來署教事司訓王君柏邱君邦瑞又皆博聞淹洽相與考邑之故靳創志焉諏日開館聘邑

舊序

之積學士編纂其中不佞亦間附己意總其類有十析其餘有五十八稿凡二易月凡五更本末俱舉細大不遺志輿地宮室而經畫寓焉志食貨學校而教養出焉志官師選舉人物而勸戒昭焉志古蹟雜述藝文而幽顯闡焉凡所謂風土之宜人情之便張弛緩急之序因革損益之方一披閱如指掌矣若曰言之不文行之不遠後之君子幸改作之此志爲屬稿可也萬歷十五年丁亥夏四月朔日知商河縣事古陳會一侗撰

書故隋有諸郡物產土俗記及區宇圖志諸川圖
經集等書此則猶存先王之遺風誦訓之美意焉
若乃縣邑之治勒有成編則維景定建康咸淳昆
陵宋氏長安嘉泰會稽載記周詳考核精當足與
古史媲美隆矣夫郡縣之賴有志乘也非以騁遊觀
之美誇物產之盛所以正疆索攷沿革記山川明
關隘訂財賦陳風俗搜遺軼之聞寓觀懲之旨節
居人之性貽來哲之良規也使纂輯者不得其人

序

三

則繁簡失次謾衍軼矩啟後雋之警惑爲學士之
詆譏其與放軼舊聞荒怠國政貽譏先覺相去無
幾是可懼也是可懼也若龔君之爲此書也徒駭
馬頰辯列代之訛充域青墟輯地志之誤計戶口
之盛衰校田賦之贏絀報功之典有祀必登禮樂
之林有舉卽錄其他人事土宜淑行鴻筆罔不網
舉條繫賁實歛華足以爲來者虛堂之金鑑照友
之黓珠矣夫以輪輻之宜於軌道也舟楫之利於

江湖也使涉洪流之津遇風波之阻亦知物險
之名乘而鼓柁於中流也使登太行之峻蓋門之
險猶欲以江湖之利利焉雖使共鼓操之造父
之吾知其害不在顛踣而在乎有所不行矣
懲其害而不謀其利泥於物而不究其用是猶
登山之舸艦而涉海以輪輿也然而瓊艘瑤楫
涉川之用頽波疊浪有覆舟之虞循名而不稱
安常而不權變厲涉之細猶復如斯矧蒞政施

序

四

民生攸屬者乎是以介潔而無通變者非楨幹之
器儒雅而乏經緯者非盤錯之材是又在讀君書
者引而伸之觸類而長之庶無負龔君修志之雅
意先生疆理之憲典俾使者於采風問俗之下共
慶庶政之修和也豈不煒哉豈不煒哉道光十有
六年六月既望

賜進士及第翰林院侍讀 國史館協修教習庶吉
士本衙門撰文提督山東學政江陰李芝昌拜序

商河縣志序

周官小史掌邦國之志土訓誦訓
掌地圖方志今志乘所由昉也上以
省方觀民下以攷鏡得失所繫亦綦
重矣歲己丑余銜

序

一

恩命來典棣郡棣屬牧令各挾志
書進大都裒然成集民人土地朗
若列眉惟商河首號繁區邑志獨
寡、數十頁近二百餘年令行材植
略無可稽稽於守土則仍前明原刻

兩州摭集殘書，其於補遺，應故事耳。
余固知急遽增修之不易，迺敬念我
國家道一風同，涵濡膏澤，凡厥通都
大邑，智尚敦龐，地宜饒沃，其間舉廢
張弛，足以鑒已往而示後來者，卓有可

序

二

信願任其記載，無聞若是，耶祇瑛三
稔雲間，龔君廷煌攝篆斯邑，毅然
引編纂為已責，自春徂夏，搜羅文
獻，博採舊聞，籤插如林，粹以乞養
謝任，深懼成書中，輟携牘省門，陔

詠餘間綜名覈實載閱自而脫稿焉
敘於余余曰為治有道以神不以迹志
乘固一邑之迹而生聚教訓之謀於上
和親康樂之應於下可以徵今信古志
有神以運乎其中龔君振不救之神運

序

三

已然之迹觀其從容奏最則迹存而
神益泐矣曩余始莅郡釋菜仰瞻
黉宮殿廡而外榛蕪藂穢詢知為前
守恩方伯勅修未竟遷擢去郡久待
踵成余愀然難安亟購輓木捐廡倡

導集賞第餘逾年告歲燦然大備以
聞於

朝是役也祝龔君興廢墜以資觀感
意弗殊也第余修郡學廣藉羣與
君修邑志獨衷卓識其事不較難哉

序

四

比審龔君奉諱將返吳淞深為挽扼
竊佇君出山即取是輯付梓微特斯
文稱幸余且書此為左券云

道光十二年歲次壬辰冬十月
賜進士出身

語授朝議大夫知武定府事南豐湯

世培拜序



序

自矣衛易為守令以治郡
邑其治雖統於天子而文
與獻之粲然者俱不可以
弗紀而又不可若建國之有
史官各司其典藉以董厥

序

職則一於守令乎責之為

守令者自訓農勸學察下

理人以及粟布之鈎稽獄

訟之紛紛無鉅細必躬親

寫視古伯子男之國其難

治殆倍蓰秩滿則大吏攷

其績率不久任輒遷擢職
務之不暇奚暇及於文學
幸而中餘於政又幸而得
久任與都人士博考舊章
經羅覈供取前人之成書
而補綴之若此者什不得

序

二

一二焉其或新故相代暫
攝其事蒞官僅數月而能
留意於文獻者則千百人
中不得一二焉至若志乘
殘廢更數百率舊聞久隳
故老無存而蒐蒐無遺脩

其闕雖久官斯土者猶不
果為況計曰受代者乎由
舊者易為功而創始者難
為之理勢然也晉河古表
邛地自前漢始置邑曰勃
曰濕沃曰潛河至宋始易

序

三

今名置縣以來千有餘載
前明中葉邑令曾公一
始創為志續脩於賈公前
席僅二冊所載止明事其
為闕略也多矣入
國朝來涵濡

列聖之澤垂二百禩生齒
之殷繁人物之衆陣軼厚
前古而紀載闕如華亭龔
君廷煌以道光辛卯冬十
二月攝縣事始至進諸生
而知其狀慨然曰守土

序

四

者之責也在任三月政平
訟稀迺求遺書訪近事手
自排纂居無何以尊甫示
疾陳情去任昆人喟然著
朱君仍以侍奉餘暇編定
為一卷越壬辰秋九月而

志成出其首冊序余守
劇郡兼綰齟符不獲卒業
於斯獨以數百率殘廢之
書而罷君能脩輯之是所
謂千百人中不得一二者
也其賢豈凡為吏者所及

序

五

我又竊自念守齊郡將二
載郡志之不脩亦百有餘
年矣悼成憲之無傳愀遺
文之將墜亦願與諸牧令
共脩之而牽於事困於憲
檄行半載牧令遷延至今

未獲開賓館招賢俊與之
州創其事始之不圖鮮終
益懼計余守郡之時數倍
於龔君之攝縣事而郡志
之殘缺又不若商河志之
尤甚君則甘為其難而卒

序

有成余獨不能為諸牧令
倡益以見有志者之難其
人也山左州邑志率不完
備誠得如龔君者數輩政
事之餘旁及文學為之無
弗成上之眾弗速察信尚

六

以施教化孝政事以知得
共彬彬乎如列國之各有
紀載無使後之論者謂郡
邑之吏苟簡為治也序以
題之既以勸凡為牧令者
亦用志余之愧云爾

序

七

賜進士出身朝議大夫兼
護山東鹽運使司鹽運使
知濟南府事前翰林院編
修廣西福建湖北主考官
提督湖北學政廬陵王贈
芳

商河縣志叙

夫郡邑之有志乘所以考田
賦而知催科措字之條崇學
核而詳求又進賢之典表治
行闡幽微以厲風俗登物產

序



一

編戶口以定民生所繫不曩
重哉商河古夢邱地其志成
於前明邑令曾公一侗在萬
曆丁亥至

國朝康熙十二年趙公樾